

► *Minister Ramon Lee a splica*

Coleccion di Museo Numismatico unico den Caribe ta propiedad di fundacion Juan Mario Odor

Gobierno ta subsidia e fundacion cu e trahadonan, y e luga di museo

ORANJESTAD

Proximamente lo tuma luga e acto di apertura oficial di Museo Numismatico cu a conoce un cambio nobo, no riba e papelnan di balor historico cu ta contene den dje, sino den su presentacion y sede nobo ubica den e casita historico situa banda di stacion di Arubus na Playa.

Minister di Cultura, Ramon Lee a splica cu e coleccion numismatico aki ta propiedad di e fundacion Juan Mario Odor, gobierno solamente ta subsidia e fundacion aki cu e trahadonan, y e luga pa nan, pero tur e coleccion balioso aki ta di nan.

E mandatario a declara cu esaki ta un propiedad asina balioso sentimental y materialmente ya cu hopi esfuerso e famia di sr. Juan Mario Odor (q.e.p.d.) a dedica na e museo aki, pero e capital hinca den dje tambe ta hopi.

Sr. Ruben Odor kende ta

miembro di e fundacion Juan Mario Odor a informa cu e coleccion di moneda y biyete cu ta duna curpa y rason di ser na Museo Numismatico di Aruba ta esun mas grandi cu tin den Caliber.

Den cuadro di e acto oficial di e sede nobo ubica den e ruta cultural cu gobierno Oduber III ta propaganda, lo wordo organisa dia 3 di september proximo un exposicion asina yama "Numismatic Timeline Aruba". Sr. Ruben Odor a splica cu loke lo wordo expone ta solamente placa cu a circula, cu a wordo haya, y cu a wordo traha specialmente pa Antia Hulandes y Aruba. E timeline di e exposicion interesante aki ta di 1499, y e ta embarca cuater periodo; e periodo Spaño, e periodo Hulandes, e periodo despues di Statuud y e periodo despues di Status Aparte.

Nos mester ta orguyoso di e coleccion balioso aki, ya cu e coleccion aki deposita den



Riba e potret aki nos por mira, sra. Desiree Odor kende ta directora di Museo Numismatico di Aruba, y sr. Ruben Odor kende ta miembro di e fundacion Juan Mario Odor.

Museo Numismatico ta esun di mas grandi cu tin na Antia, ya cu ni Banco Central na Corsow tampoco nan tin e coleccion completo manera nos tine na Aruba.

Den e coleccion aki cu lo forma parti di e exposicion "Nu-

matic Timeline Aruba, kisas ta falta un of dos pieza di tur e coleccion aki cu ta data for di 1499, es decir algun aña despues di descubrimiento di continente Americano. Sr. Odor a agrega tambe cu tambe e exposicion aki ta bai prome cu e epoca

Spaño, loke ta e Indjannan nan instrumentonan monetario cu nan a uza.

"E coleccion riba su mes e ta un continuo buskeda di identidad", asina sr. Ruben Odor di fundacion Juan Mario Odor, a declara.